



Klub poslanika
Naša stranka – BHI KF

Клуб посланика
Наша странка – БХИ КФ

Broj:
Sarajevo, 16.11.2023. godine

PARLAMENTARNA SKUPŠTINA
BOSNE I HERCEGOVINE
PREDSTAVNIČKI DOM

n/r g. Marinko Čavara, predsjedavajući Predstavničkog doma

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

18-11-2023

PRIMLJENO.			
Organizaciona jedinica	Klasifikaciona oznaka	Redni broj	Broj priloga
01-	50-1-	2389	23

Na osnovu člana 8. Poslovnika Predstavničkog doma Parlamentarne skupštine Bosne i Hercegovine ("Službeni glasnik Bosne i Hercegovine" 79/14, 81/15, 97/15, 78/19 i 26/20, 53/22 i 59/23), podnosimo

POSLANIČKU INICIJATIVU


Kojom se zadužuje Vijeće ministara Bosne i Hercegovine i nadležno Ministarstvo sigurnosti Bosne i Hercegovine da u roku od 60 dana od usvajanje ove inicijative, omogući uvođenje u upotrebu javnog sistema obavještavanja o nestanku djece "Amber alert" na teritoriji Bosne i Hercegovine.

OBRAZLOŽENJE

"Amber alert" je sistem obavještavanja i alarmiranja javnosti u slučajevima nestanka djece. Ovaj sistem nastao je u Sjedinjenim Američkim Državama 1996. godine, a koristi se i u većini država Evropske unije (Belgija, Bugarska, Češka, Francuska, Grčka, Irska, Italija, Malta, Nizozemska, Njemačka, Poljska, Portugal, Rumunija, Španija). U Hrvatskoj je "Amber alert" aktivan od novembra 2022. godine, a od 1. novembra 2023. godine implementacija ovog sistema započela je i u susjednoj Srbiji. Prema istraživanjima, svake godine oko 250 hiljada djece nestane na području evropskog kontinenta¹, što je sam po sebi indikator važnosti implementacije sistema javnog obavještavanja i alarmiranja javnosti u slučajevima nestanka djece. "Amber alert" funkcioniše tako što se u slučaju nestanka djeteta, informacija o nestanku djeteta u roku od sat vremena od prijave širi putem interneta, televizije, radija i ostalih medijskih kanala komunikacije, kako bi se u što kraćem roku obavijestio što veći broj građanki i građana o nestanku djeteta. Uzimajući u obzir činjenicu da u Bosni i Hercegovini ovakav sistem obavještavanja još uvijek nije implementiran, kao i to da bi uvođenje "Amber alerta" doprinijelo bržoj reakciji i pronalasku nestale djece, podnosimo navedenu poslaničku inicijativu.

S poštovanjem,


Predrag Kojović


Sabina Čudić


Aida Baručija

Zastupnici u Predstavničkom domu Parlamentarne skupštine Bosne i Hercegovine

¹ Podaci preuzeti od Evropske federacije za nestalu i seksualno iskorištavanu djecu ("Missing Children Europe") od 25. maja 2023. godine.
Izvor: <https://missingchildreneurope.eu/press-release-imcd-2023/>, pristupljeno: 1.11.2023. godine.